

**LIGJ**  
**Nr. 127/2016**

**PËR DISA NDRYSHIME DHE SHTESA NË LIGJIN NR. 9975, DATË 28.7.2008, “PËR TAKSAT KOMBËTARE”, TË NDRYSHUAR**

Në mbështetje të neneve 78, 83, pika 1, 84, pika 4, dhe 155, të Kushtetutës, me propozimin e Këshillit të Ministrave,

**KUVENDI**  
**I REPUBLIKËS SË SHQIPËRISË**

**VENDOSI:**

Në ligjin nr. 9975, datë 28.7.2008, “Për taksat kombëtare”, të ndryshuar, bëhen këto ndryshime dhe shtesa:

**Neni 1**

Në nenin 2, pika 5, shkronja “b”, fjalët “më shumë se 7 000 000 lekë” zëvendësohen me fjalët “më shumë se 5 000 000 lekë”.

**Neni 2**

Në nenin 3 bëhen shtesat e mëposhtme:

a) Në pikën 2, në fund të fjalisë bëhet shtesa si më poshtë:

“si dhe për benzinën ose gazoilin që gjendet në përmbajtjen e biokarburantit (sipas kodeve tarifore të NKM-së 27102011 deri në kodin 27102019, 27102090, si dhe klasifikimin në nënkreun 38 26 00).”.

b) Në pikën 6, në fund të fjalisë bëhet shtesa si më poshtë:

“si dhe për benzinën ose gazoilin që gjendet në përmbajtjen e biokarburantit (sipas kodeve tarifore të NKM-së 27102011 deri në kodin 27102019, 27102090, si dhe klasifikimin në nënkreun 38 26 00).”.

**Neni 3**

Në nenin 4 bëhen shtesa dhe ndryshimet e mëposhtme:

a) Në pikën 2, pas fjalisë ekzistuese shtohet fjalia me këtë përmbajtje:

“Kjo taksë paguhet për sasinë e benzinës dhe të gazoilit të importuar apo të prodhuar në vend, me përjashtim të sasisë së benzinës dhe të gazoilit të prodhuar në vend, por të eksportuar jashtë territorit të Shqipërisë.”.

b) Në pikën 3, pas fjalisë që përfundon me fjalët “vjetor të detyrueshëm të mjetit.” shtohet paragrafi me këtë përmbajtje:

“Kontrolli teknik i mjeteve rrugore me motor dhe rimorkiove të tyre kryhet brenda periudhës së vlefshmërisë 365-ditore të taksës vjetore të mjeteve të përdorura.”.

c) Në pikën 4 bëhen këto ndryshime:

i) Në fjalinë e dytë, të paragrafit të parë, fjalët “masën sa 2/3” zëvendësohen me fjalët “masën sa 1/2”.

ii) Paragrafi i tretë ndryshohet si më poshtë:

“Në rastin kur taksa e rentës minerare aplikohet në përqindje, kjo taksë llogaritet duke shumëzuar vlerën e shitjes së produktit (pa TVSH) me përqindjen e rentës. Kur taksa e rentës minerare aplikohet në vlerë fikse për njësi, shumta e rentës minerare llogaritet duke shumëzuar sasinë e shitjes së produktit me vlerën e rentës minerare. Në rastin e shitjes së mineralit të grupit të parë (I), “Mineralet metalike”, për përpunim brenda vendit, nga nxjerrësi të përpunuesi, përqindja e rentës aplikohet në masën sa 1/2 e normës së rentës së përcaktuar në shtojcën nr. 2, mbi vlerën (çmimin) e shitjes, e cila, për efekt të përlogaritjes së rentës minerare, nuk mund të jetë më e vogël se çmimi i shitjes për eksport të mineralit të papërpunuar.”.

ç) Në pikën 8 bëhen ndryshimet e mëposhtme:

i) Në shkronjën “a”, në paragrafin e parë, përcaktimi “Vetëm për industrinë vendase të riciklimit, taksa për ambalazhet e prodhuara nga riciklimi i mbetjeve plastike të gjeneruara në vend caktohet në masën 50 lekë/kg” zëvendësohet me përcaktimin “Vetëm për industrinë vendase të riciklimit, taksa për ambalazhet e prodhuara nga riciklimi i mbetjeve plastike të gjeneruara në vend caktohet në masën 1 lekë/kg”.

ii) Në shkronjën “a”, në paragrafin e pestë, përcaktimi “Taksa për ambalazhet e prodhuara nga riciklimi i mbetjeve plastike të gjeneruara në vend caktohet në masën 50 lekë/kg” zëvendësohet me përcaktimin “Taksa për ambalazhet e prodhuara nga riciklimi i mbetjeve plastike të gjeneruara në vend caktohet në

masën 1 lek/kg”.

d) Numërtimi i pikës 9, “Taksa mbi primet e shkruara...”, bëhet 10.

Neni 4

Në nenin 4/1, pika 1, hiqen fjalët “pikat 1, 2, 3, 4, 5, 6, 7 dhe 8”.

Neni 5

Në nenin 5, shkronja “g”, në fund të fjalisë shtohen fjalët:

“Për qëllime të mbledhjes së taksës, këto shoqëri e evidentojnë atë veçmas nga primi.”.

Neni 6

Në nenin 9 bëhen këto ndryshime:

a) Në pikën 1, shkronja “c” ndryshohet si më poshtë:

“c) pagesat e taksës së mjeteve të bllokuara me vendim të gjykatës, të prokurorisë, për periudhën në të cilën mjeti ka qenë i bllokuar, dhe pagesat e taksës së mjeteve të vjedhura, të djegura, të shkatërruara nga aksidentet, të vërtetuara nga organet e prokurorisë.”.

b) Në pikën 1, shkronja “ç”, fjalët “autoveturat tip 4+1 vende” zëvendësohen me fjalët “autoveturat tip deri në 4+1 vende”.

c) Në pikën 7, shkronja “c” ndryshohet si më poshtë:

“c) pagesat e taksës së mjeteve të bllokuara me vendim të gjykatës, të prokurorisë, për periudhën në të cilën mjeti ka qenë i bllokuar, dhe pagesat e taksës së mjeteve të vjedhura, të djegura, të shkatërruara nga aksidentet, të vërtetuara nga organet e prokurorisë.”.

Neni 7

Shtojca nr. 2, bashkëlidhur ligjit në fuqi, zëvendësohet me shtojcën nr. 2, që i bashkëlidhet këtij ligji.

Neni 8

Ky ligj hyn në fuqi menjëherë, botohet në Fletoren Zyrtare dhe i fillon efektet financiare nga data 1 janar 2017.

**KRYETARI**  
**Ilir Meta**

Miraturar në datën 15.12.2016

SHTOJCA NR. 2  
RENTA MINERARE SIPAS KLASIFIKIMIT

Nr.	Emërtimi i grupit të mineraleve sipas ligjit mineralar	Përqindja e rentës minerare
<b>Grupi i parë (I) MINERALET METALIKE</b>		
1	Mineralet e Argjendit	10 %
2	Mineralet e Arit	10 %
3	Mineralet e Bakrit	6 %
4	Mineralet e Kromit për eksport	6 %
5	Mineralet e Nikelit (nikel-silikat)	6 %
6	Mineralet e Hekurit (hekur-nikeli)	5 %
7	Mineralet Plumbit	5 %
8	Mineralet e Zinkut	7 %
9	Gjithë mineralet e tjera metalike	4 %
<b>Grupi i dytë (II) MINERALET JOMETALIKE</b>		
10	Të gjitha mineralet jometalike	4 %
<b>Grupi i tretë (III) QYMYRET DHE BITUMET</b>		
11	Qymyret	19 940 lekë/ton
12	Bitumet	2 371 lekë/ton
13	Rërat bituminoze	117 lekë/m <sup>3</sup>
14	Reshpet naftore	117 lekë/m <sup>3</sup>
15	Pirobitumet	186 lekë/ton
16	Qymyr guri	200 lekë/ton
<b>Grupi i katërt (IV) MINERALET DHE MATERIALET E NDËRTIMIT</b>		
17	Graniti	5 850 lekë/m <sup>3</sup>
18	Gëlqerorët	47 lekë/m <sup>3</sup>
19	Gabrot	47 lekë/m <sup>3</sup>
20	Bazaltet	73 lekë/ton
21	Konglomerate	7 %
22	Mermeri	4 095 lekë/m <sup>3</sup>
23	Pllakat e ndërtimit	
23.1	<i>Pllaka guri</i>	228 lekë/m <sup>3</sup>
23.2	<i>Pllaka ranore</i>	1 456 lekë/m <sup>3</sup>
23.3	<i>Pllaka graniti</i>	6 825 lekë/m <sup>3</sup>
23.4	<i>Pllaka mermeri</i>	4 550 lekë/m <sup>3</sup>
23.5	<i>Pllaka të tjera</i>	6 000 lekë/ton
24	Pllagiogranitet	5 %

25	Ranoret	491 lekë/m <sup>3</sup>
26	Serpentinitet	47 lekë/m <sup>3</sup>
27	Travertinat	2 925 lekë/m <sup>3</sup>
28	Traktolitet	2 925 lekë/m <sup>3</sup>
29	Gips	21 lekë /ton
30	Alabastër	423 lekë/m <sup>3</sup>
31	Argjila (prodhim çimento, tjegulla, tulla etj.)	15 lekë/ton
32	Argjila (prodhim diga hidrocentrali)	104 lekë/m <sup>3</sup>
33	Argjil (për prodhim qeramike)	23 lekë/ton
34	Rërë lumi	98 lekë/m <sup>3</sup>
35	Inerte lumore	42 lekë/m <sup>3</sup>
36	Gjithë mineralet e tjera të grupit të katërt	104 lekë/m <sup>3</sup>
<b>Grupi i pestë (V) GURËT E ÇMUAR</b>		
37	Gjithë mineralet e grupit të pestë	10 %
<b>Grupi i gjashtë (VI) GURËT GJYSMË TË ÇMUAR DHE OPALI</b>		
38	Gjithë mineralet e grupit të gjashtë	10 %
39	<b>Grupi i shtatë (VII) NAFTA DHE GAZI</b>	10 %